



BOSANSKOHERCEGOVAČKI AUTO-MOTO KLUB

SEKTOR ZA INFORMISANJE I DOKUMENTACIJU (SID)

**INFORMACIJA O SAOBRAĆAJNIM NEZGODAMA,
NJIHOVIM UZROCIMA I POSLJEDICAMA U BOSNI
I HERCEGOVINI ZA PERIOD JANUAR –
SEPTEMBAR 2008. GODINE**

27. oktobar 2008. godine

UVOD

Sektor za informisanje i dokumentaciju Bosanskohercegovačkog auto – moto kluba (SID) BIHAMK nastavlja sa sistematskim prikupljanjem svih dostupnih podataka iz oblasti saobraćaja, koristeći pri tome sve relevantne izvore.

Prikupili smo podatke od nadležnih institucija (Federalna uprava policije, MUP RS, MUP Brčko Distrikta) o stanju sigurnosti cestovnog saobraćaja u Bosni i Hercegovini u periodu januar – septembar tekuće godine, koje ćemo prezentirati u nastavku.

STANJE SIGURNOSTI CESTOVNOG SAOBRAĆAJA U BiH

U skladu sa prikupljenim statističkim podacima od nadležnih institucija (Federalne Uprave Policije, MUP RS, MUP Brčko Distrikta), na bosanskohercegovačkim cestama u periodu januar – septembar 2008. godine dogodilo se ukupno **30.510** saobraćajnih nezgoda od kojih su zabilježene **6.351** saobraćajne nezgode sa nastradalim/poginulim licima, te **24.159** nezgoda sa materijalnom štetom.

U odnosu na isti period prošle godine, u prvih 9 mjeseci 2008. godine registrirane su 1.122 nezgode više, što izraženo u procentima prikazuje **povećanje od 4%** .


PODRUČJE	UKUPAN BROJ SAOBRAĆAJNIH NEZGODA		BROJ SN SA POGINULIM/ NASTRADALIM LICIMA		BROJ SN SA MATERIJALNOM ŠTETOM	
	2007	2008	2007	2008	2007	2008
FEDERACIJA BIH	20.794	22.028	4.330	4.250	16.464	17.778
REPUBLIKA SRPSKA	8.062	7.938	1.954	1.922	6.108	6.016
BRČKO DISTRIKT	530	544	164	179	377	365
UKUPNO	29.386	30.510	6.448	6.351	22.949	24.159

Tabela 1. Uporedni pregled saobraćajnih nezgoda za period januar – septembar 2007. i 2008. godine

Svaki dan se, u prosjeku, dogodilo 111 saobraćajnih nezgoda, od kojih 23 nezgode koje su za posljedicu imale poginula ili ozlijeđena lica.

U Federaciji BiH se u periodu januar – septembar 2008. godine dogodilo 1.234 saobraćajne nezgode više u odnosu na isti period prošle godine, odnosno **više za 6%**.

U Republici Srpskoj zabilježeno je smanjenje ukupnog broja saobraćajnih nezgoda za 124 nezgode, što predstavlja **smanjenje od 2%** u odnosu na isti period 2007. godine.



Dijagram 1. Uporedni prikaz ukupnog broja saobraćajnih nezgoda za period januar – septembar 2007. i 2008. godine

19% od ukupnog broja saobraćajnih nezgoda zabilježenih na cestama u Federaciji BiH je bilo sa poginulim/povrijeđenim licima, a 24% u Republici Srpskoj.

POSljedICE SAOBRAĆAJNIH NEZGODA

Veliki broj saobraćajnih nezgoda, osim materijalne štete, za posljedicu ima i veliki broj ozlijeđenih i smrtno stradalih lica.


U saobraćajnim nezgodama u BiH tokom prvih 9 mjeseci 2008. godine život je izgubilo **326** lica, dok je **9.075** lica teže ili lakše ozlijeđeno, što možemo detaljno vidjeti u tabeli 2.

PODRUČJE	UKUPAN BROJ SN		BROJ POGINULIH LICA		BROJ TEŽE OZLIJEĐENIH		BROJ LAKŠE OZLIJEĐENIH	
	2007	2008	2007	2008	2007	2008	2007	2008
Federacija BiH	20.794	22.028	176	184	1.044	1.117	**	4.928
Republika Srpska	8.062	7.938	152	134	645	665	2.116	2.089
Brčko Distrikt	530	544	4	8	42	49	**	237
UKUPNO	29.386	30.510	332	326	1.731	1.831	**	7.254

Tabela 2. Posljedice saobraćajnih nezgoda

Dok je primijetan porast ukupnog broja saobraćajnih nezgoda, zapaža se pad broja poginulih lica u Bosni i Hercegovini i to za 6 lica, u odnosu na isti period 2007. godine.

U Federaciji BiH i Brčko Distriktu je zabilježen porast broja poginulih lica (**u FBiH za 4,5%, u Brčko Distriktu za 50%**), dok je u Republici Srpskoj taj broj **niži za 13%** u odnosu na isti period prošle godine.



Dijagram 2. Grafički prikaz odnosa broja poginulih u saobraćajnim nezgodama za period januar – septembar 2007. i 2008. godine po entitetima

Prosječna smrtnost u saobraćajnim nezgodama u Bosni i Hercegovini iznosi **11 poginulih na 1000 saobraćajnih nezgoda**.

Posmatrano sa aspekta ukupnog broja saobraćajnih nezgoda po entitetima, primijetno je da je smrtnost veća u Republici Srpskoj i ona iznosi **17 poginulih na 1000 saobraćajnih nezgoda**, dok taj odnos u Federaciji BiH iznosi **8 poginulih na 1000 saobraćajnih nezgoda**.

UZROCI I MJESTO NASTANKA SAOBRAĆAJNIH NEZGODA

Veliki broj saobraćajnih nezgoda na našim cestama, rezultat je prvenstveno nepoštivanja saobraćajnih pravila i propisa, kao i niskog nivoa saobraćajne kulture većeg broja učesnika u saobraćaju.

Nepropisna, prevelika brzina kretanja i brzina neprilagođena uslovima na cesti su jedan od najčešćih uzroka nastanka saobraćajnih nezgoda (oko **23%**), zatim slijede saobraćajne nezgode nastale uzrokovane radnjama vozilom u saobraćaju, nepoštivanje prvenstva prolaza, te saobraćajne nezgode nastale zbog vožnje pod uticajem alkohola i opojnih droga, te ostali uzroci...

Najveći broj saobraćajnih nezgoda zabilježen je na ulicama u naselju, na kojima se desilo oko 47% od ukupnog broja nezgoda, zatim na magistralnim cestama oko 27%, te regionalnim i lokalnim cestama. Na magistralnim cestama je zabilježen najveći broj saobraćajnih nezgoda sa fatalnim posljedicama.